

五天元宰總正神靈太一轉式司命棟卿齊
到下方斬伐妖倫符籙前驅兵馬糾紛青誓
蝕肇赤靈考覓校約宿命俱奏崑崙上遊上
清出入黃房八冥之內鬼道不祥未送帝君
及於世間生化所因不得隱避枉禍善人細

微之中下鎮人身泥九絳宮黃池紫海十二
之泉寒夜幽路百鬼之群佩服者書八會神
文氣血流轉斬馘邪神鬼祖畢陽聽命喪精
寶符降告變骨成真中理五氣混合百神十
轉回靈萬氣齊仙仙道自生無量度人神入
天門心自通真神珠運行如大法輪精守禁
戒信悟因緣心目為開見道真形普受開度
死寃生身身得受生上聞諸天諸天之上各
有生門變極不窮自然常存存者無形空洞
合明誦歌之章神王靈篇辭參高真

第一 天界靈威正道神王飛空之音
玉巔碧峩 鳳軒八敞 雲螭在樓
飛仙俯仰 金馬奔衝 星階重重
太極化生 真人遊龍 正氣盤蔚回
車梁光無窮 赤書布金斗 立召四目翁

為誅萬道魔 千邪不為凶 三明烟無昏
壽以浩劫終 天老發紺城 長劍磨太蒿
精崇滅形影 哀哀畏刀風 我降九霄氣
嚙之洞樓中 施以救世悲 成此脫度功

第二 人界靈威破邪神王之章
絳草虎裳 泛華十天 龍刀斬邪
六道侍軒 印光凝海 劍氣飛雷
戮滅不祥 正道所歸 小醜其何
禍試之媒 我有洞章 奸害元施
大君惠生 慶錫難老 金華九色
與天相保 靜智合神 玄元體妙
蠢蠢繁生 蒙蔽真道 廣度天人
萬善同因 劫界共長 上帝宏恩
制魔成真 天蘇紀名 邪無干犯
仙聖受盟 元始洞空 悟者幾人
能悟自然 泠泠玉音

第三 地界靈威斬鬼神王歌曰
茫茫塊壘 下有重山 蒼崖白雲
往者不還 太上哀之 請度無間
神風飄霞 碧玉瓊珠 出書九幽

赤文乃宣 制魄拘冤 斷此幽關
生類何辜 刑禍辱類 明明大帝
正氣自然 眞道正明 子得昇遷
捨此塵埃途 庶免陰邪源 我有元始章
誦誦萬祖遷 結滯超然散 默契歸無言

度人豈終窮 勤此眞王篇
此三界之上飛空之中眞王歌音音參洞章
誦之百遍名度南宮誦之千遍眞王保迎萬
遍道備飛昇太空過度三界位登仙公有聞
靈音神王敬形勅制地祇侍衛送迎拔出地
戶五苦八難七祖昇遷永離鬼官寬度朱陵
受鍊更生斬馘世不祥福慶隨日增是謂無
量普度無窮有秘上天文諸天共所崇泄慢
墮地獄禍及七祖翁
道言此二章並是諸天上帝及靈威神王隱
秘之音皆是大梵之言非世上常辭皆斬馘
不祥之要旨六天殺鬼之司名陰類沮喪邪
精消却身得長生位登仙眞故謂玄奧難可
尋詳上天所寶秘於玄都紫微上宮依玄科
四萬劫一傳若有至人齋金寶質心依舊格

靈寶無量度人上品妙經 卷五四

告盟十天然後而付焉

道言夫斬馘不祥之道實擊大法有四謂九

六運終三景虧盈聖神休否末學疾傷凡有

此災不祥之重同氣皆當齊心修齋六時行

香十過轉經北極中玄天帝君洞陰天尊當

勃飛雷電騎五方殺伐大神威劔神王符圖

火兵素裹赫天元帥下降斬馘災咎福德立

降消諸不祥無量之文普度無窮

道言末學道淺真業未成有冥泉之鬼六天

之神妄作災凶違諸厄難身年注害禍祿滅

削門戶不寧家庭崇害同學至人為其行香

誦經十過以解穰刑禍赦除直穢如法中天

大神七元真氣下入身中吉祥自生永保利

貞長存不滅便得神仙

道言夫欲諸天降庭神兵衛身斬馘不祥者

齋戒誦經可以致仙真除咎癘也天地運終

星宿錯度日月失昏四時失度陰陽不調兵

革時動疫毒流行兆民夭傷師友命過皆當

修齋行香誦經夫齋戒誦經功德甚重上消

天災保鎮帝王下穰毒害以度兆民生死受

賴其福難勝故曰無量普度天人

道言凡有是經能為天地帝主兆民行是功

德有災之日發心修齋燒香誦經十過皆諸

天記名萬神侍衛右別至人剋得為聖君金

闕之臣諸天記人功過毫分無失天中神王

亦保舉爾身得道者乃當洞明至言也

諸天中大梵隱語無量音 道君撰

元始靈書斬馘不祥玉篇

東方八天

明箕海芒 靈路徐忱 珏勤合帝

如輔洞真 鬱依多迂 麥恪需雲

拯河沙那 碧漸東霄 持定羽順

法披波冷 魯朝仙英 依連拯珂

偃秘羅岑 月珠素雜 吳拔元誥

寶楮宏參

南方八天

扶飽九首 攸教遏壺 皇鎮洞樊

鄒阿煩蘇 玄尚流函 層論佑霞

道悟正元 麓謀仙居 敬邀元岨

景著真丘 圓羅李僕 凝宜啓珠

雲題筵粵 賢梵邁除 藹原宋歸

澄幾漢虛

西方八天

直隨宛數 智嬰茲洪 河究通極

正斗飛雲 秘鏗剛眉 岷池魁宗

告辨丁孟 嘉社元侯 吉河大魁

將馘冥求 金度冶華 紫鎮平優

玄道維寂 無始光休 仙氣司屢

酉露俯舟

北方八天

黃玄戴元 櫻虎昇乾 梵景流弭

符傳炎宣 遠羅度命 微玄力延

儀公丹鑿 隱悟定仙 謹濟順常

道明妙筌 軹審滕盈 府圖凝鐘

龍黎悉沙 變歌係天 洞瑞素尤

芝瑜功都

道言此諸天中大梵隱語無量之音舊文列

紀北都玄臺紫微南館下通鄴羅九幽泉關

以降道威神馘除鬼魔陰魄屍蠱之氣天真

皇人採洞清之華染丹筆以成文字皆廣長

一文以為正音有知其音能齋而誦之者諸
天皆遣護正斬邪之神天毒八威九首四目
之吏導從丁史下衛其身剪伐不祥惠以福
澤延命降真奮其功勳上奏諸天萬神朝禮
地祇待門大勳真王保舉上真道備魁得遊
行三界昇入金門此音無所不辟無所不獲
無所不度無所不成天真自然之音也故誦
之致天真下觀上帝遙唱萬神朝禮三界侍
軒群杖束首鬼精自亡琳瑯振響十方肅清
河海靜默山嶽吞烟萬靈振伏招集群仙天
無氛穢地無秋塵冥慧洞清大量玄玄也

元始無量度人上品妙經卷之五十四

靈寶無量度人上品妙經卷之五十五 宣五

追度上世亡魂品

道言昔於龍梵天中景實幽歌大鍊化土受
元始度人追度上世亡魂無量上品元始天
尊當說是經周迴十過以召十方始當詣座
九皇上真飛天大聖妙行真人玄中法師洞
陰翔單鬱絕之境五靈玄老黑帝天君酆都
比帝六天大魔救苦靈仙九官曹屬三元考
覈無鞅數眾乘空而來三素飛雲八景霄輿
華蓋垂蔭碧翠交光九色瓊蕤洞煥太空七
日七夜諸天臺城樓觀影徹幽寥珠緯玉毫
停輪息燿神風襲瑞空藏傾波一國地土山
川林木絢甲一等無復高下土甘作青玉萬
里通映無有異色眾真侍座元始天尊玄坐
空浮九光寶局之上說經一遍諸天大聖同
時稱善是時大地眾生祖先積罪咸蒙赦原
說經二遍光照九幽開悟宿命說經三遍雲
周道境甘露灑空說經四遍火山息焰寒池
靜波說經五遍地獄池闍幽鬼解脫說經六
遍落滅惡根不沈苦趣說經七遍焚燒黑簿

考對休閒說經八遍泉曲冥官進陞仙品說
經九遍暗域飛雲陽光澄翳說經十遍枯骨
更生皆起成人是時一國是男是女莫不傾
心皆受護度咸得長生

道言是時元始天尊說經一遍東方無極無
量品青官救苦大神無鞅之眾浮空而至說
經二遍南方無極無量品朱官明悟大神無
鞅之眾浮空而至說經三遍西方無極無量
品素靈官玄定大神無鞅之眾浮空而至說
經四遍北方無極無量品紫元官幽感大神
無鞅之眾浮空而至說經五遍東此無極無
量品鄴都官雲營大神無鞅之眾浮空而至
說經六遍東南無極無量品九幽官拔罪大
神無鞅之眾浮空而至說經七遍西南無極
無量品泉曲官度生大神無鞅之眾浮空而
至說經八遍西北無極無量品天福官超化
大神無鞅之眾浮空而至說經九遍上方無
極無量品真都官靈妙大神無鞅之眾浮空
而至說經十遍下方無極無量品玄妙官寂
定大神無鞅之眾浮空而至十遍周竟十方

無極升度者喪天真大神一時同至元始天尊初說法時一國男女各各追懷上世亡寬傳曾萬祖古往先親或繫宿因承於業力已遂生方遊遊三界或尚沈幽境滯冥冥關代歷綿長時丁久遠竟無依止體化塵埃性識未消尚存心念罹斯陰罪必犯陽愆今過元始將陳追度之法慶會無邊願虛俟教廣利有生是時天尊四觀天人一切鬼神一方聖眾舉山水雲霞之袂揮九色碧光宛轉之跋良久之頃以九色碧光一縷之絲垂明下徹遙至九壘七圍鐵山之間十大地獄方面八千餘里高廣深厚其量過之隨此碧光一縷之絲按地之聲六種俱振猶於大海交匯二山亦如諸天五雷併起正行遊梵三十六宮應時傾動北鄰諸大地獄翻翻高舉下離冥漠昇於絕空碧絨之絲挽提獄頂洞出剛風及於天界以此大獄繫於絲杪形如彈丸無量之衆瞻矚無礙皆見諸大地獄五刑萬苦血刃火然表裏明覩不有纖障各見有罪祖先受諸苦報禁考獄中哀吟求救一切衆生

見此事相舉聲號泣響震諸天析告虛皇願垂追度元始怡顏微笑即於頂上出大光明煥照天地於光明中有赤文雲書昇天寶券芒金角玉蚪曲詳分示衆宣言爾等衆生上世亡寬用此追度之法周迴十過皆獲昇天來者霧合雲屯非可禁止迨國一半土皆偏陷乃懸一寶珠大如黍米在空玄之中去地九丈元始登引天真大神上聖高尊十方救苦救罪真人至真大神無鞅數眾俱入寶珠之中天人仰看惟見拂拂從珠口中入既入珠口不知所在國人靡散地還平正無復散陷元始即於寶珠之內說經都竟衆真監度以授於我當此之時喜慶難言法事粗悉諸天復位條敘之間寂無遺響是時天人遇值經法普得濟惠救度祖先不墮惡道傾土歸仰咸行孝心能敬能讓能廉能貞能柔能和能奉能承能忍能養心無悖慢口無怨言齊同慈愛異國成親國安民豐欣樂太平經始出教一國以道預有志心宗奉禮敬皆得度世

道言元始天尊說經中所言並是諸天上帝內名隱韻之音亦是真王內諱百靈之隱名也非世之常辭上聖已成真人通玄究微能悉其章誦之十過諸天遙唱萬罪悉原上世亡寬皆獲昇仙旁資一切普度萬生回屍起死白骨成人至學之士誦之十過則五嶽奏刺三官奉詞幽寬造化逝魄超昇濟度亡歿絕而得生所以爾者學士道德未充體未洞真以制十方威未制天政德可伏御地祇資濟幽靈濟拔祖先而已輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人無量為萬道之宗魏魏大乾德難可勝道言凡誦是經十過諸天齊到億曾萬祖幽寬苦爽皆即受度上界朱官格皆九年受化更生得為貴人而好學至經功滿德就追度高玄皆得神仙飛升金闕遊宴玉京也上學之士修誦是經上世亡寬皆即追度飛升南宮世人受誦則亡過祖先考得太陰鍊形之道鬼神警滅不經地獄即得返形遊行太空此

經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳輕泄漏慢殃及子孫長役三官侍經五帝王童玉女各二十四人營衛神文保護受經者身

道言正月長齋誦詠是經為上世亡鬼斷地速役度上南宮七月長齋誦詠是經九祖七玄升入天門赦罪遷善身得神仙十月長齋誦詠是經追度古先眷屬億遠幽靈即獲鍊化刻錄太清八節之日誦詠是經遠世冤英罪滅此都鄧山息考罷役河源得為九宮真人本命之日誦詠是經玄堂七世往劫滯冤靈肉附骨近生為人鬼神澄正萬氣長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐碧紫綺三色雲氣之中內外翕冥有青龍白虎朱雀玄武獅子白鶴羅列左右日月照明洞煥室內

十方救苦無量大神駐筆空極項生圓象光映十方如此分明察况曰

無上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人關啓所言今日吉慶長齋清堂修行至經無量度人願所啓上微徑御

無上三十二天元始上帝至尊九前畢引炁三十二過東向誦經

元始無量度人上品妙經

元始洞玄靈寶本章追度上世亡鬼十遍度人九冥隱韻開化自然空洞降靈太虛生神總治法象統歸三元瓊宮大聖高居帝尊敷弘至妙考校因緣青編丹簡紀錄玄文元陽紫微方諸洞泉太陰署罰火官舉遷生民隨業攝送鄧山九河六洞萬鬼之營火城劍樹沸鑊寒庭鬼神大魔考責羅寬元始玉符下拔幽局普為衆生追度祖先上諸朱陵功告三官五嶽四瀆名山大川水府洞宮主宰神

靈原救滯爽不得稽停大會玄都速召萬神中有東極尋聲赴感太一救苦天尊中有度寬化形之君中有太冥鍊屍大神中有大慈妙行真人中有天樞天機好生文昌延壽度厄尊神招靈太玄無量度人今日校錄諸天臨軒

東方無極龍威神王長生大聖無量度人南方無極丹靈神王長生大聖無量度人西方無極皓華神王長生大聖無量度人北方無極玄英神王長生大聖無量度人東此無極鍊度神王長生大聖無量度人東南無極變身神王長生大聖無量度人西南無極復相神王長生大聖無量度人西北無極正精神神王長生大聖無量度人上方無極火府神王長生大聖無量度人下方無極返形神王長生大聖無量度人十方至真飛天度鬼超化神王長生度世無量大神竝乘八景珠與飛雲葆蓋霞華蹙輪騶駕天馬白鳳青鸞建玄靈翠節綠羽龍幡前導鈞天廣樂後參八素陽歌巨象麒麟翼

三界位證仙卿有聞靈音六天敬形勅制地祇侍衛送迎抄出地戶五苦八難永離北鄴寬度朱陟是謂無量濟惠無窮有秘上天文諸天共所崇泄慢墮地獄禍及七租翁道言此二章並是諸天上帝及玉清真王隱

秘之音皆是大梵之言朗徹九幽追度祖考冥漢久逝之寬聞是洞文衆苦消解神識起昇非世上常辭言無韻麗曲無華宛故謂玄奧難可尋詳上天所寶秘於玄都神霄玉清王府東室寶經秘藏道亨昌運符運下傳若有至人齋金寶貨心依舊格告盟神霄然後而付焉

適言夫世之生民皆有玄祖上世高曾雖繼子孫鮮及遠代七世而上禮不稱論脫有先逝代數遼遠祭祀莫及資修之度不克稽用業累未除寬留地司皆當祈告真靈請乞報應得告報祥感則已獲超遷慶想不真多見冢墓考對之像則亡蒐幽繫未脫牲牢皆當齊心修齋六時行香十遍轉經以青紙丹書大梵隱語著亡蒐姓氏去世年月作四門方

符牒之面以丹書昇天券文背書年辰法師位號盛以絳囊祝地司主者及亡蒐姓名焚於建齋處即得追度佩券生天福德立降消諸不祥無量之文普度無窮道言夫六親眷屬未學道淺或仙品未充運

應滅度身經太陰臨過之時為其行香誦經十過以度屍形如法蒐神運上南宮隨其學功計日而得更生輪轉不惑便得神仙道言夫天地始生元始開闢即有人物人物具備即有死生死生者神氣來往人命之數也上世亡蒐不惟久遠億曾萬祖有經劫成

壞而蒐未起升者世之學士不知天地幾經成壞為劫長短亡蒐定業幽繫不解者皆當拜奏章表行香誦經焚昇天寶券修齋設醮祈向高真即得追度生大福堂夫齋戒誦經功德甚重使亡蒐昭泰長夜通光地獄苦消火山息焰冥曹考罰頌罪炎寒一切受賴其福難勝故曰無量普度天人道言凡有是經能為此民行是功德發心修齋燒香誦經十過皆諸天記名萬神侍衛右

別至人剋得為聖君金闕之臣諸天記人功過毫分無失玉清真王亦保舉爾身得道者乃當洞明至言也諸天中大梵隱語無量音道君誤元始靈書中篇

東方八天

建朗披覲 玄紀法王 魔師赫盧
炎池誦光 斗魯幽察 擷司定廂
宛了究氏 盈門肥堂 勅捕醜虐
混開紫皇 蔚房靜除 寂音思彊
汴神逸羣 廣明檢襍 破解妙行
真氣耀邦

南方八天

籍羅八臺 四明建仙 匱錄窮寬
曆都命玄 泉沙般拉 阿列遭安
妙澄演覺 高璘愆阿 擺笏煩夷
敬連遣那 籠卯過成 虛府蒲圭
都文均駭 臻和夢持 袞物汨謨
塊額願基

西方八天

乾帝華樞 焦平觀都 景孽鉢行
周明賓呼 烈井驅力 玉判歸浮
趙章延蹊 鹿桓蚪檀 追冥叩無
網石尸徒 閔頂辭緯 奕奕霹靈
左翊箕制 木玄魔丘 略負廣須

韓司主圖

北方八天

驚靈典洞 鄴牢鎖鬼 赤章檢考

問籍通詞 趨求過諺 報罰遣程

億資成成 杳微文靈 變孤驛弭

謫離洞京 彫崑布欵 孽齊交明

昉逸冲蘆 九口津泮 馬猛戮奴

奔喪恭神

道言此諸天中大梵隱語無量之音舊文字皆廣長一文刻書此清玄天寶幢之上散都泉曲九幽之罪救積世亡寃追度超升利拔苦爽解脫業因往劫定債獲免債還自在逍逸不拘泰山子孫福報貴祿宜官家無故氣傳速不行天保其昌德富爾身靈應元君昔書其文以為正音有知其音能齋而誦者

諸天皆遣道度靈官下拔其寃書其功勳上奏諸天萬神朝禮地祇侍門大勳真玉保舉神霄道備剋得遊行三界昇入金門此音無所不辟無所不攘無所不度無所不成天真自然之音也故誦之致靈人下觀上帝迷唱萬神朝禮三界侍軒群袂束首鬼精自亡琳琅振響十方肅清河海靜默山嶽吞烟萬靈振伏招集群仙天無氛穢地無氛塵冥慧洞清大量玄玄也

元始無量度人上品妙經卷之五十五



正一天師清微弟子

道教學術

靈寶無量度人上品妙經卷之五十六 第六

濟度死鬼品

道言昔於紫暉玄濟天中綠景虛明大慈靈土受元始度人濟度死鬼無量上品元始天尊當說是經周迴十過以召十方始當詣座天真大神上聖高尊北鄴大帝九幽拔罪天尊金闕濟度天尊太一救苦天尊大慈大悲救苦真人大惠真人無鞅數衆乘空而來碧耀流輝華雲映彩龍輶鳳駕寶蓋靈幡彌漫羅列香蕩氛氳日月停景洞朗太元九日夜諸天瓊樓玉闕雲殿霞房一時同明下極崑崙三山十洲四海九河泉曲之阿鄴都寒庭長夜之關悉被神光普覆開煥萬象澄清十天昭廓一國地土山川林木緬平等無復高下地成紺碧無有異色衆真侍座元始天尊玄坐空浮瓊光洞陽寶林之上說經一遍諸天大聖同時稱善是時天地山嶽鐵城大獄自然齊啓咸釋罪爽來聽法音說經二遍鐘湯聲震忽變清涼水吐青蓮異氣芬馥萬刃刀山悉為寶樹柅械銷鋒骨骸生復還

得成人俱承道蔭說經三遍仙聖讚揚靈瑞
 咸臻說經四遍一切人民悟解法要說經五
 遍昆蟲善慧者識罪原說經六遍虎狼毒虺
 滅斷惡根說經七遍冤仇和釋異骨成親說
 經八遍鬼道塞絕水係生津說經九遍幽沈
 滯魄鍊化昇遷說經十遍道德純一俱登妙
 真是時一國有情有識冥不傾心皆受護度
 咸得長生

道言是時元始天尊說經一遍東方無極無
 量品考較濟度大神無鞅之衆浮空而至說
 經二遍南方無極無量品司察濟度大神無
 鞅之衆浮空而至說經三遍西方無極無量
 品司禁濟度大神無鞅之衆浮空而至說經
 四遍北方無極無量品司化濟度大神無鞅
 之衆浮空而至說經五遍東北無極無量品
 典獄濟度大神無鞅之衆浮空而至說經六
 遍東南無極無量品九幽濟度大神無鞅之
 衆浮空而至說經七遍西南無極無量品泉
 曲濟度大神無鞅之衆浮空而至說經八遍
 西北無極無量品羅酆濟度大神無鞅之衆

浮空而至說經九遍上方無極無量品超生
 濟度大神無鞅之衆浮空而至說經十遍下
 方無極無量品昇化濟度大神無鞅之衆浮
 空而至十遍周竟十方無極天真濟度大神
 一時同至一國男女傾心歸仰末者萬億並

駕同驅靈光散彩華霧彌空八部三天三官
 九署威光召致異趣苦冤無鞅之衆迨國一
 半土皆偏陷非可禁止於是元始洞觀遐通
 哀念衆生手執寶髮出妙光光及十方一
 切聽法天仙聖衆自見身相有如瑠璃內映
 灌羅鬼神寬奕合於其類中得圓滿心體清
 淨業火消除仙花時飛大震瓊音宣明法要
 爾等衆生造諸罪惡累放死冤飄蕩無依散
 人諸趣備經輪轉莫測道緣今以九陽神膏
 大梵之氣化十二靈文濟度死冤超昇天境
 始從亡歿以鍊屍形屍神守骸滯爽超昇仙
 聖合德還自成人出離三塗往度八難大衆
 欣躍仰俟恩光於是元始引躬惻然鑪炷寶
 香上結雲雲化為玉闕去地九丈內垂天虹
 燐煌五色接待大衆俱入其中元始申命拔

罪天尊羅帝帝宰救苦真人無鞅數衆同升
 化闕靈華紫玉靈妙之臺天人仰看惟見勃
 勃影現萬殊既入玉闕不知所在國人廓散
 地還平正無復敬陷元始即於紫臺之上說
 經都竟衆真監度以授於我當此之時喜慶

難言法事粗悉諸天復位條敷之間寂無遺
 響是時天人遍值經法普得濟度全其道真
 無有沈淪傾土歸仰咸行善心不愆不犯不
 忿不爭不迷不忘不愛不著不擾不驚言必
 真正口無惡聲齊息慈愛道化合并存亡安
 泰度衆生榮經始出教幽顯協德預有至心
 宗奉禮敬皆得度世
 道言元始天尊說經中所言並是諸天上帝
 內名隱韻之音亦是真王內誦百靈濟度之
 隱名也非世之常辭上聖已成真人通玄究
 微能悉其章誦之十過諸天逸唱萬帝設禮
 沈逝死冤證升仙品緣愛積習皆獲脫捨群
 魔敬衛陽化鬼精至學之士誦之十過則四
 司釋訟九獄除冤回屍起死白骨返形普受
 濟度以得生成所以爾者學士誦寶章招

真召靈妙氣來臻道生神德故可下濟死亡
即獲超度而已莫不昇遷輕誦此章身則被
殃供養尊禮門戶興隆世世昌熾與善因緣
萬災不干神明護門斯經尋妙獨步玉京度
人無量為萬道之宗巍巍大範德難可勝

道言凡誦是經十過諸天齊到鄴都六洞鬼
帝官君寒庭泉曲幽夜之河泰山地壘主宰
神靈簡奏上功超拔罪鬼億萬祖幽沈苦
莫皆即受度上昇朱宮格皆九年受化更生
得為貴人而好學至經功滿德就皆得神仙
飛昇金闕遊宴玉京也上學之士修誦是經
皆即受度飛昇南宮世人受誦開度九玄出
離地獄生福天堂延慶後昆永無身殃此經
微妙普度無窮一切天人莫不受慶無量之
福生死蒙惠上天所寶不傳下世至士齋金
寶教心盟天而傳輕泄漏慢殃及九祖長役
陰官侍經五帝玉童玉女各二十四人營衛
神文保護受經者身
道言正月長齋誦誦是經濟度死冤解釋天
官罪考之愆五方大殺屍劫之鬼威毒感息

關貸死冤獲度南宮通達自然七月長齋誦
誦是經濟度死冤解釋地官罪考之愆五嶽
四司北都羅野曠野山澤社令城隍應關四
對禍害滅連黑簿削除白簡上生十月長齋
誦誦是經濟度死冤解釋水官罪考之愆此

海河侯河伯濱汾四瀆主宰當令幽苦捷汲
冥冤役難散除度越生門八節之日誦誦是
經濟度死冤解釋罪考八方大獄八洞鬼牢
悉承道化永變福庭迷識開悟咸登妙津得
生世間智用高明務勤上學克致成真三元
之日誦誦是經濟度死冤各遂其情鍊度南
宮返生受靈鬼神澄正萬氣長存不經苦惱
身有光明三界侍衛五帝司迎萬神朝禮名
書上天功滿德就飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色靈
氣之中內外翳冥有青龍白虎朱雀玄武
獅子白鶴羅列左右日月照明洞煥室內
項生圓象光映十方如此分明密咒曰

無上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清室修行至經無量度人願所啓上徹
徑御
無上三十二天元始上帝至尊凡前畢
引悉三十二過東向誦經

元始無量度人上品妙經
元始洞玄靈寶本章濟度死冤十迴度人元
皇上錄鍊度自然九宮妙範青華帝靈至神
開運合會玄關制命造化長養生根上布玄
功無所不周五氣承德結絡形軀萬神羅列
帝一居尊二十四宮八景個環混洞天闕辟
非藏烟明梁開道塞絕死門斬代胞樹超度
億曾解釋罪考朱陵鍊靈太一定命南昌衛
形無量濟度長生大君破滅罪府司馬大神
超拔滯奏韓君大人司命司錄除削冤愆拔

罪天尊度厄尊神迴散起死無量度人今日
校錄萬聖臨軒

東方無極保命神王長生大聖無量度人
南方無極保化神王長生大聖無量度人
西方無極散禍神王長生大聖無量度人
北方無極度厄神王長生大聖無量度人
東北無極救苦神王長生大聖無量度人
東南無極衛生神王長生大聖無量度人
西南無極拔罪神王長生大聖無量度人
西北無極度冤神王長生大聖無量度人
上方無極超化神王長生大聖無量度人
下方無極自在神王長生大聖無量度人
十方至真濟度死冤神王長生度世無量大
神並乘八色祥雲九華翠鸞鳳騶駕利蓋
騰軒建度寬定命之節召神靈齋前肅玉童
齊唱後吹簫韻同鳴獅子白鶴彌歌雍雍四
明啓途神官翼轅德乘萬騎浮空而來傾光
迴駕監寬度生南昌丞相天機上宰韓司主
錄監生大神執錄把籍齋到帝前隨所應度
嚴校諸天普告三界無極神鄉泉曲之府此

都羅鄴三官九府十二河源上解祖考億劫
種親疾除罪簿落滅惡根不得拘留逼合鬼
群元始符命時刻昇遷北都寒池部衛形寬
制魔保舉度品南宮死冤受鍊仙化成人
身受度劫劫長存隨劫輪轉與天齊年永度
三塗五苦八難超凌三界逍遙上清上清之
天天天帝真無色之境梵行

東方八天

濟寬逸慶天

曜澤證玄天

流剛昇陽天

梵氣舉神天

蕭臺稜錄天

祖猷微緒天

麗慈變生天

道用超神天

南方八天

紫暉洞明天

玉宸慈化天

正宗玄露天

帝扈迪狂

帝梵聿斯平

帝振祖流光

帝尸真化寬

帝板苦尊

帝道玄巨英

帝敷承庸光

帝伯常妙冲

帝覺喜自伸

帝退坂育興

帝定意須光

初嬰育靈天
佐無摩宗天
鵲史利真天
冥超生寬天
祖靈增變天

西方八天

嶺棟益司天

果成超衛天

瑛觀紫虛天

溢靈慶彰天

朱霞洪至天

黨竣悅疆天

度生昇寬天

魁符考歲天

北方八天

玉順淨親天

機牛亢化天

育乾次寧天

昭本神華天

玄龍史墟天

帝判載司強

帝嚇陳元防

帝侯進斗光

帝妙智仙

帝勞提丙顯

帝常容真

帝儀慈壽均

帝韓承誦言

帝蹈方滋革

帝海瞰總陽

帝孟勤禮冥

帝招雲鍊玄

帝覺上生

帝柳昂順玄

帝耀洞觀周

帝顯道離田

帝絕慈斯仁

帝太完子賢

仙斗迎棋天 帝昭迪用寥

朝瑞玉憤天 帝伯緒遠

康庸濟冤天 帝常元隱公

三十二天三十二帝諸天隱諱諸天隱名天

中空洞自然靈章諸天隱諱開度之音開度

之尊鍊化之神天中大魔王清之靈混合變

化而成上真無量之奧深不可詳敷洛神篇

濟度窮寃今日欣慶受度歷關諸天請誠三

惡斬絕地根飛度五陰名昇太清真王監舉

無拘天門東斗受性西斗結形北斗保命南

斗起昇中斗大魁總御生成青帝通真白帝

衛靈赤帝運化黑帝結神黃帝養育萬善咸

臻九竅四體悉獲生全青天魔王巴元醜伯

赤天魔王負天擔石白天魔王反山六目黑

天魔王監醜朗殺黃天魔王橫天擔力五帝

大魔萬神之宗飛行鼓從總統神兵魔懂震

節八道揚威遊觀天地開度死寃自號赫奕

功用無窮蒼運生津嚴攝止勤靈真受命普

掃不祥神龍吐毒驕騎騰驤天吏持麾蕩化

不祥擲大萬里流鈴八衝敢有干試拒遏上

真金錢前職巨戈後刑制令鬼莫咸得昇運

究愆和會盡獲釋形魔無千犯鬼無祿精三

官此豈明檢鬼管不得容隱金馬驛程普告

無窮萬神咸聽三界五帝列言上清

洞虛妙化海嶽河源中有冥關幽閉罪寃冥

冥眈眈德劫長昏上無天光下無所安風刀

亂施哀聲塞空惟有元皇太一之尊普施慈

惠神力自然拔除罪苦敷洛靈篇亦書玉宇

無上真文超度寃爽使入生門梵氣彌羅萬

形開張元網流演三十二天輪轉無色周迴

十方普被玄恩皆得升遷八景和合氣入高

玄玄中太皇上帝高真泛景太霄嘯詠洞章

金真明郁流響雲管玉音攝氣靈風聚寃紫

虛鬱秀輔翼萬仙和萬合自然成真真中

有神長生大君無英公子白元尊神鍊化生

死板兆屍形太一司命攝氣還神桃康合延

三一帝尊執符把籙保命生根上遊上清出

入華房八冥之內細微之中下鎮人身泥丸

絳宮中理五氣混合百神十轉回靈萬氣齊

仙仙道貴生無量度人上開八門飛天法輪

罪福禁戒宿命因緣普受開度死寃生身身

得受生上聞諸天諸天之上各有生門中有

空洞謠歌之章真王靈篇辭參高真

第一度寃欲界飛空之音

人道易墮 塵心苦神 神勞散逝

杳杳沈寃 寃爽何所覺 忽爾離軀形

形化為劫灰 寃魄歸無因 默默有舊憶

索索忘其親 舉目無三光 栖栖誰所鄰

鬼官肆酷毒 鞭撻常無停 隊伴如驅羊

渺渺沒冥津 鐵獄常燒然 惡烟起續紛

積骸若丘山 涕泗如河傾 經劫罪業纏

死寃悲酸辛 神霄玉清王 出書度天人

元始靈寶符 超化能生神

第二昇玄色界真王之章

絳闕南昌 景耀輝煌 萬神之家

生化之門 中有長生 大帝紫君

碧羽龍衣 飛青紫裙 手執黃籙

靈寶上篇 校功玉軒 昇度死寃

寃氣受鍊 結植靈根 神真運度

隨陽化升 昇玄契妙 水激大焚

炎炎流池 玉缸萬鱗 跨池為橋
 金光橫奔 無上七元 九幽罪鬼
 銜領符命 超昇化輪 乘雲馭風
 與天相傾

第三變化示體無色界真王歌曰

三天上境 元皇妙宮 迴超三界
 鬱鬱靈光 中有大神 號曰真王
 散化開度 萬道之宗 元始上帝
 錫命靈篇 普告下司 罪苦昇遷
 破蕩冥暗 普現光明 滅除禍害
 永植福根 生死受度 仰承玄恩
 冥曹解散 慶會長享 威化所被
 敢有不從 玉符保鍊 晏躬劫年
 上無色景 與道同玄 碧空圓羅
 億劫自然

此三界之上飛空之中真王歌音音參洞章
 誦之百遍名度南宮誦之千遍魔王保迎萬
 遍道備飛昇太空過度三界位登仙公有聞
 靈音魔王敬形敕制地祇侍衛送迎拔出地
 戶五苦八難七祖昇遷永離鬼官寬度朱陵

受鍊更生是謂度量書度無窮有祕上天文
 諸天共所崇世慢墮地獄禍及七祖翁
 道言此二章並是諸天上帝及神霄真王隱
 祕之音鍊度死鬼超登上還天壽九劫罪愆
 冤仇俱蒙和釋理極奧妙皆是大梵之言非

世上常辭言無韻麗曲無華宛故謂玄奧難
 可尋詳上天所寶祕於神府青琳寶藏像玄
 科應運下傳若有至人齋信效盟質心依舊
 格告盟三天然後而付焉

道言夫天地育形至道生神形為靈宅神為
 元靈神風鼓鍊天與其生生迷道本纏著罪
 緣疑網癡獄貪念為愆境物亂心思慮攻神
 精喪氣謝形軀敗昏五臟內腐七情外奔神
 宅喪壞神去離形沈淪幽苦為業所牽善者
 生天惡陷鄴泉死鬼所賴至道宣慈靈文濟
 度真符捧持冥官拜首真更威依大梵之宗
 元真是柄同氣皆當齊心修齋六時行香十
 遍轉經福德立降鬼升天堂無量之文普度
 無窮
 道言夫末學道淺或仙品未充運應滅度身

經太陰臨過之時同學至人為其行香誦經
 十過以度屍形如法寬神徑上南宮隨其學
 功計日而得更生轉輪不惑便得神仙
 道言夫至學之士修誦上清三洞寶文專持
 戒錄幽栖山澤清虛忘世或積德行陰功及

物父母師長去世之日欲濟度死鬼使超登
 洞臺列名仙階者當以五香鍊湯沐浴屍寬
 以青繒朱書元始靈文一十二符布著玄宮
 之內一形上下謂以卧符枕上符面上符兩
 手符兩足履中符安心前符柳四面符凡十

二道焚香此向書訖安時呪曰道民王甲生
 奉仙真運終鍊化形歸太陰上帝神符赤書
 玉文濟度死鬼速付玉真飛昇天堂刻簡仙
 名骨成蘭玉面有金英太一守屍三官衛靈
 忽然輕舉上登太清土下大殺屍鬼百精敢
 干神符亂甲神明天丁把斧斬汝五形山澤
 水火風氣至真護完甲屍返生還鬼此帝囑
 咤落甲死名飛雲玉與朝謁紫庭急急如律
 令行符訖更當修齋行香誦經夫齋戒誦經
 功德甚重寬英飛化享福生形下穰毒害以

度兆民生死受賴其福難勝故曰無量普度
天人

道言凡有是經能為王公侯伯兆民行是功
德濟度之日發心修齋燒香誦經十過皆諸
天記名萬神侍衛右別至人剋得為聖君金
闕之臣諸天記人功過毫分無失天中真王
亦保舉爾身得道者乃當洞明至言也
諸天中大梵隱語無量音 道君撰
元始靈書度寬中篇

東方八天

英曜斗極 領帝都關 運推息歎
水火流根 生道窈玄 聽天自然
解板蛻謝 寬禧變羅 圓體用神
曲阿明伸 恕真普玉 慶雲門臻
梵遷靈易 寬度八極 素華應曆
符行昴畢
南方八天
鍊眸玉庭 籍檢女侯 勘曠有美
度昇昌都 機保作塵 赴漢皇猷
辜原升府 名曹奏智 璽選宰童

魔化悉既 玄應大察 冥拘寒池
爍流瓊傳 變合谷養 救釋靈幹
柏庸被經

西方八天

蹄陽隔構 卷烈飛野 點截鬼筵
由度軒庚 符傳龍殿 悔昔平消
生合神廬 兆互成人 穴液聚纏
果浴圍身 略靖司化 巡祇輔真
陷錮兵旄 井席相均 演由欽觀
泊輪鼓駟

北方八天

棄刺乞魚 勿頻懶蘇 詔逸靜王
慈并比圖 產古韓鎖 婁移舌昧
雷詛委奪 默元衙沅 綽辨郵裔
淵古靈回 揭无慶育 勅瑤資前
強奎騎斗 龍呼吳求 左將魁酉
變生遊嘉

道言此諸天中大梵隱語無量之音舊文書
玄天吐靈玉闕之上以正此山鄴泉鬼獄禁
制九都大鬼濟度死寬生化福鄉神智遠遙

字皆廣長一丈天真皇人音書其文以為正
音有知其音能齋而誦之者諸天皆遣察錄
神王下觀其身音其功勤上奏諸天萬神朝
禮地祇侍門大敷真王保舉洞玄道備剋得
遊行三界昇入金闕此音無所不辟無所不
禳無所不度無所不成天真自然之音也故
誦之致神王下觀上帝逸唱萬神朝禮三界
侍軒群袂束首鬼精自亡琳琅振響十方肅
清河海靜默山嶽吞烟萬靈振伏招集群仙
天無氛穢地無秋塵冥慧洞清大量玄玄也

元始無量度人上品妙經卷之五十六

靈寶無量度人上品妙經卷之五十七 宣七

解釋幽牢品

道言昔於始青天中碧落空歌大浮黎土受元始度人解釋幽牢妙品元始天尊當說是經周迴十過以及十方始當詣座天真大神上聖高尊妙行真人十方救苦天尊玉清雲宮大慈天尊大悲真帝鄴都九幽帝主仙官無鞅數衆乘空而來十方起雲混如丹色瓊臺寶宇隱顯太空玉馬金龍驂霞泛景飛光鳳蓋垂蔭珠軒瑞彩天光流煥四極翳鬱洲映明徹碧空七日夜紅霞搖曳遠慕神鄉天都紫微層影洞耀丹殿星宮瓊堂日闕珠緯躔虛玉網流演紫烟紛華山海凝碧瑞金爲界色雲合防清靜聖途明無纖玷衆真侍座元始天尊玄坐空浮八山九海伏龍翔虎十極太玄之座說經一遍天帝鼓節高真洞詠是時一國重冥陰域一時光明說經二遍地下重疊三十六皇俯伏恭聽簡閱皇籍說經三通氣流甘濡灑潤枯朽說經四通救鬼滅癘魔衆失聲說經五遍地吐芝英八十一

種顏蒼秀異奇文燕胎說經六遍鄴山震搖黑海停沸說經七遍九幽地獄萬里鐵城業火熾然億劫洞亦說經之際暴勢冰消炎牢清蕩說經八通靈霞布空九色成字真文廓現赦諸罪人說經九過暗氣凝雲傷血墮兩聞經穢淨神風掃塵說經十遍屍骨炊起靈顏鮮瑩自然成人是時一國是男是女悟道知真胞結解釋冥蘭錄籍字迹除脫素幅錄章了無罪目歸智天尊咸遂生養

道言是時元始天尊說經一遍東方無極無量品大慈九氣救苦天尊無鞅之衆浮空而至說經二遍南方無極無量品大智三氣救罪天君無鞅之衆浮空而至說經三遍西方無極無量品大明七氣執法天君無鞅之衆浮空而至說經四遍北方無極無量品大惠一氣息苦天君無鞅之衆浮空而至說經五遍東北方無極無量品大悲梵氣破獄天君無鞅之衆浮空而至說經六遍東南無極無量品除過梵氣九幽天君無鞅之衆浮空而至說經七遍西南無極無量品大心梵氣拔罪

天君無鞅之衆浮空而至說經八遍西北無極無量品大仁梵氣玉墮天君無鞅之衆浮空而至說經九遍上方無極無量品普濟一十二氣萬福天君無鞅之衆浮空而至說經十遍下方無極無量品不動五氣玄母天君無鞅之衆浮空而至十過周竟十方無極天真大神無量天君一時同至一國男女傾心歸仰咸荷慈恩下逮淪亡俱霑聖澤感嘆之聲響動幽夜鳥獸悲羣人鬼悵恍來者有如沙塵飄委嚮風傾注於是元始遍視群生彈指微笑金口發光光如皎月上極無上剛風頂際下極水輪泉曲九漏無底陰谷無不照見一一光中皆現三界衆生善惡合根宿報新緣互相酬對業果自明心目同證此九旋行暈成五色下覆人間上接天境運如輕車灼灼圓象逶迤九道狀如日出東蒙十方同色去地五大炯燦停空元始登引天真大神上聖高尊妙行真人十方無極救苦天君至真大神無鞅數衆俱入九色圓象之中天人仰看惟見拂拂從圓光中入既入光中不知

所在國人廓散境宇如初元始即於九色圓象之中說經都竟稟真監度以授於我當此之時喜慶難言法事祖悉諸天復位條款之問寂無遺響是時天人遇值經法普得濟度解釋幽牢無有橫傷傾土歸仰幽顯放心不怨不憎不執不滯不著不愛不害不欺不寬不爭言必諧理口有和聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是魔王內諱百靈之隱名也非世之常辭上聖已成真人通玄究微能悉其章誦之十過則諸天遙唱九幽啓關冥海靜默素山傾摧光徹幽夜積劫累代經際鬼都籍在三官朽骸積屍鬼魄囚考黑氣腥腐破膽裂腦火山冰池焚爍烹瀆以萬計期無有晝夜聞此五文天真靈篇則太一錄寬南丹鍊神神運識明捨妄歸真辯結冤負應時清明太和真氣入其身形蓮花捧履龍瑞扶頰與天人樂大魔伺迎至學之士誦之十

過則成宗稟命紂絕靈恭此君奉書陰曹削名泥丸玄堂七祖故氣氤氳未開內構胎血百節蟲官骨中注吏地虎風獸啖骸食氣之鬼守禦泉府銅火大蛇之神惡烟四散窮鬼芒昧神官切齒百里洋鎮千尋鐵鼎不見三辰詎曉道境真知沈淪罪報駢委牽連生人追呼族緒冢宅之訟誣告天司冥漠無所一時萬死痛毒終天聞此洞篇魔帥弭節黑帝停軒往劫古爽近世苦鬼道力陶冶變酷消仇玉曆定科紫雲覆座神風調逸墮魄飛昇死尸無拘道逸三界輕誦此章身則被殃供養尊禮門戶興隆世世昌熾與善因緣萬災不干神明護門斯經尋妙利樂幽靈度人無量為萬道之宗巍巍大範德難可勝

道言凡誦是經十過諸天齊到億曹萬祖幽靈苦爽皆即受度上昇朱宮格皆九年受化更生得為貴人而有德劫結冤千載滯爽太上不以聞宥上帝不以思原禁獄幽牢在女青天一王平女沙九陰大築都司檢形五老校錄暗騫羊鹿之穴毒風醜類墮墮四潰滌

間枯削寒丁大魔初制之魁誦此洞章款然自生光苑變玄屍皆得度與神同昇洗除罪欲青錄紀名刺奸司非不得鼓鬚鋒之斷筆韓君丈人將折簡於蟻友是皆玄司九幽鄧泉之重刑此經解釋渾爾沖散而好學至經功滿德就皆得神仙飛昇金闕遊宴玉京也

上學之士修誦是經即關關通胎真明正洞陰一府六峯遊精隨氣變化與時出入或感入呼吸流毒飲食因蕪梗以兆體假冥漢以潛靈九府捕索三官定書經道至神皆即受度飛昇南宮世人受誦誠貫十天幽牢苦爽祖世親緣紀過泰山刊名壯都皆得鍊質丹陵榮寬矣海誦聲成雲載此冥魄逍遙太元過度輪轉不經生死奉行二者則延壽長年復皆得作屍解之道鬼神暫滅不住地獄即得返形遊行太空此經微妙普度無窮一切天人莫不受度無量之福生死蒙惠上天所實不傳下世至士齋金寶效心盟天而傳輕泄漏慢殃及九祖長役鬼官侍經五帝玉童玉女各二十四人營衛神文保護受經者身

道言正月長齋誦詠是經為上世亡寃斷地
 逮役度上南宮詣三元洞宮主生太陽火官
 焚除罪簿赦免吞火食炭洋銅沸鐵銅柱鐵
 床燒烹炮烙眾苦之罰經道神力變成清池
 獄具惡器悉為蓮花七月長齋誦詠是經為
 上世亡寃祖考宗烟昇遷鍊化削滅罪緣慶
 流孫曾詣三元洞宮主死太陰水官漂蕩刑
 書滌濯元覺淨除溟波海濱波瀾寒夜冰池
 雷震霹靂泉曲徒役絞水暴注湍激驚濤眾
 苦之罰經道神力變成安室獄具惡器悉為
 樂玩十月長齋誦詠是經為上世亡寃姑妣
 娣姒往逝婦姬解斷徵呼復連傳逮詣三元
 洞宮主生死罪錄官釋放考掠訊訟簿錄證
 佐對定冤仇銜負悔恨嗚鳴追召眾苦之罰
 經道神力變成德友獄具惡器悉為珍寶八
 節之日誦詠是經奉詣九宮直符九府直事
 八方大獄九幽泉牢開通八門受生八道天
 人鬼神地獄餓鬼畜生魔帥妖魅出離禁獄
 各衆生功度脫九幽為大苑者本命之日誦
 詠是經為北斗司命司錄主非典禁命在斗

官計年期月進居生寃上詣斗宮校定罪福
 度脫三災四殺五苦六害七傷八難九厄十
 極事在三元考官冥曹謹誦眾苦之罰經道
 神力不有害傷寃神澄正萬炁長存不經苦
 惱身有光明三界侍衛五帝司迎萬神朝禮
 名書上天功滿德就飛昇上清

道言行道之日皆當香湯沐浴齋戒入室
 東向叩齒三十二通上聞三十二天心拜
 三十二過閉目靜思身生青黃白三色雲
 氣之中內外翁冥有青龍白虎朱雀玄武

獅子白鶴羅列左右日月照明洞煥室內
 項生圓象光映十方如此分明密咒曰
 無上玄元太上道君召出巨身中三五功曹
 左右官使者侍者玉童傳言玉女五帝直符
 直日香官各三十二人開啓所言今日吉慶
 長齋清堂修行至經無量度人願所啓上徹
 徑御
 無上三十二天元始上帝至尊凡前
 引炁三十二過東向誦經

元始無量度人上品妙經
 元始洞玄靈寶本章解釋幽牢開光度人諸
 天隱顯離合自然太始無文杳冥中真元氣
 化生紫烟氤氳風火陶埴流精自凝支勢低
 回鑲玉鎔金垂芒駕霞采布十方泥洞赤書
 命意寫形離為萬象合為寶經累珠貫花漱
 濁揚清五老吐符皇人寫靈造化以成三界
 開明天以之清地以之寧人以之生神以之
 靈物以之成炁氣左騰春夏肇興天光右馳
 秋冬滋營元始上帝命曰玉真上無復祖惟
 道為身五文開廓普殖神靈三辰揚輝普羅
 玉清九壘植根冥渺鄴城下有天魔與道同
 生羅山龍源醜都肆軒蕩蕩德程洞宮樂成
 中有萬鬼鼓鉦巨兵獄考幽陰大劫匪捐火
 鐵億壘天地無門大慈道王天中之尊口放
 神光光顯玉文瑞霞絡碧鳳氣成雲禁獄乃
 開黑界光明九龍銜符鍊度種人是為大梵
 天中之天紫蒼庶生知識自管內構巨業照
 與神爭神本自天元惡相纏苦鬼冥冥墮拘
 重泉鬼帥執契虎卒仗鞭按恭呼名敢于我

前黑甲噴火電母攝仙萬壽備形閉以天關
沈目塞耳寥邈南丹哀企玉符故此幽艱碧
空莽莽九劫重山太一黃旗司命騎棘告命
九陰典司殺元童都禁大君此陰大神司
錄主算捕冤化生四明五嶽泰山丈人解釋
幽牢無量度人今日校錄諸天臨軒

東方無極道化神王長生大聖無量度人
南方無極度生神王長生大聖無量度人
西方無極堅德神王長生大聖無量度人
此方無極玄照神王長生大聖無量度人
東北無極救苦神王長生大聖無量度人
東南無極拔罪神王長生大聖無量度人
西南無極濟苦神王長生大聖無量度人
西北無極赦罪神王長生大聖無量度人
上方無極昇度神王長生大聖無量度人
下方無極普惠神王長生大聖無量度人
十方至真慈化神王長生度世無量大神並
乘流雲彩車紫蓋形輪駘駕綠象白獸斑龍
建招神之節返生靈榜前合九真之曲後奏
八會之音天鳥麒麟騰躍辟非六丁啓道七

羅捧棘億乘萬騎浮空而來傾先回駕監真
度生此陰右相洞淵化官三元助理太上靈
君執錄持符同會帝度隨所開度嚴誓旨神
普告黃闕無極幽關慈歌九映故試大魔六
天治獄萬鬼之營冰池沸鑊銅柱火山飛戈
飄戰巨石刀輪三塗長役五苦夜河虛皇有
命皆使超升北都寒池部衛形鬼制魔保舉
度品南宮死冤受錄仙化成人身身受度劫
劫長存隨劫輪轉與天齊年永斷幽沈苦趣
之難超凌三界受錄洞陽洞陽之天天帝道
元無色之境梵行

東方八天
王餘明報天 帝尉覽真
蒼靈洞籍天 帝耶殊覺菽
妙極神際天 帝錄多清爽
長智通奇天 帝元胎保真
救寂憐和天 帝元香子明
玉回霞緒天 帝招靈款神
赤瑜寶淨天 帝和輔龍琛
道明雲觀天 帝清宮左聲

南方八天
總育正化天 帝傳明道目
玄靈妙清天 帝皇須延生
虛璉澄康天 帝靈潤遠聰
彰容克聞天 帝考章常琳
奏須曆靜天 帝安藍元都
太妙希玄天 帝招真烈元
和邊竟觀天 帝部陀鬱彌
深極勝揚天 帝明朝紫賓

西方八天
鬼樞星映天 帝光真羅軒
超氣皇度天 帝柏華月璘
昭質澄觀天 帝至輔虎林
蕩拂遠想天 帝覺慮審吳
靈樞四極天 帝考元平舒
月廣曜虛天 帝布華總陳
昌宜管桓天 帝畢康參
初履制魔天 帝開國祖玄
紫華虛陽天 帝辨惠源